

看詩隨錄

曹鴻勛署



卷十九
二十一

831756

香詩隨錄

門下晚生陳璟章敬題

香緒三書
龍吟清瀾
高尾繼書



看詩隨錄古歌逸辭卷十九

甯河高 靜慎莽選

男崇恩

廣恩校刊

擊壤歌 堯時老人作

日出而作日入而息鑿井而飲耕田而食帝力于我何有

哉

南風歌 帝舜作

南風之薰兮可以解吾民之愠兮南風之時兮可以阜吾民之財兮

禹玉牒辭

祝融禮通曰竟以歌行中各語開後人奇警一派司方發其英沐日浴月百寶生

看詩隨錄 卷十九

祈招

祭公謀父

祈招之愔愔式昭德音思我王度式如玉式如金形民之力而無醉飽之心

麥秀歌

箕子

麥秀漸漸兮禾黍油油彼狡童兮不與我好兮

采薇歌

伯夷

登彼西山兮采其薇矣以暴易暴兮不知其非矣神農虞夏忽焉沒兮吾安適歸矣吁嗟徂兮命之衰矣

虞箴

辛甲

芒芒禹跡畫為九州經啟九道民有寢廟獸有茂草各有

沈云起第三句入韻



攸處德用不擾在帝夷羿冒于原獸忘其國恤而思其塵
牡武不可重用不恢於夏家獸臣司原敢告僕夫

柳下惠誄

展禽夫人

夫子之後世之說歌祭文本此不伐兮夫子之不竭兮夫子之信誠而與人無害

兮屈柔從俗不强察兮蒙恥救民德彌大兮雖遇三黜終
不斃兮豈弟君子終能厲兮嗟呼惜哉乃下世兮庶幾遐
年今遂逝兮嗚呼哀哉魂神泄兮夫子之諡宜爲惠兮

接輿歌

楚狂

鳳兮鳳兮何如德之衰也來世不可待往世不可追也天
下有道聖人成焉天下無道聖人生焉方今之時僅免刑
看詩隨錄

卷十九

二

焉福輕乎羽莫之知載禍重乎地莫之知避已乎已乎臨
人以德殆乎殆乎畫地而趨迷陽迷陽無傷吾行吾行卻
曲無傷吾足

穗歌

晏嬰

穗乎不得穫秋風至兮禪零落風雨之弗殺也太上之靡
弊也

庚癸歌

申叔儀

佩玉藥兮余無所繫之旨酒一盛兮余與禍之父睨之

臨河歌

孔子

狄水衍兮風揚波舟楫顛倒更相加歸來歸來胡爲斯

楚聘歌

大道隱兮禮為基賢人竄兮將待時天下如一兮欲何之

獲麟歌

唐虞世兮麟鳳遊今非其時來何求麟兮麟兮我心憂

忼慷歌

優孟

沈云將廉吏之不可為說悉而主慮在於未一句綴出
貪吏而不可為而可為廉吏而可為而不可為貪吏而不
情深語竭楚王諒之不覺自入
可為者當時有汗名而可為者子孫以家成廉吏而可為

者當時有清名而不可為者子孫困窮被褐而負薪貪吏
常苦富廉吏常苦貧獨不見楚相孫叔敖廉潔不受錢

成人歌

看詩隨錄

卷十九

三

蠶則績而蟹有匡范則冠而蟬有矮兄則死而子臯為之
衰

徐人歌

延陵季子不忘故脫千金之劍兮帶邱墓

琴歌

杞梁妻

樂莫樂兮新相知悲莫悲兮生別離

飯牛歌

甯戚

南山矸白石爛生不逢堯與舜禪短布單衣適至軒從昏
飯牛薄夜半長夜漫漫何時旦

滄浪之水白石粲中有鯉魚長尺半弊布單衣裁至軒從清

朝飯牛至夜半黃犢上坂且休息吾將捨汝相齊國

出東門兮厲石班上有松柏青且闌麤布衣兮緼縷時不

過兮堯舜主牛兮努力食細草大臣在爾側吾當與汝適

楚國

琴歌

百里奚妻

百里奚五羊皮憶別時烹伏雌炊扈屨今日富貴忘我為

河激歌

女涓

升彼河兮而觀清水揚波兮冒冥冥禱求福兮醉不醒誅

將加兮妾心驚罰既釋兮瀆乃清妾持機兮操其維蛟龍

助兮主將歸呼來權兮行勿疑

看詩隨錄

卷十九

四

鄴民歌

鄴有賢令兮為史公決鄴水兮灌鄴旁終古鴻鹵兮生稻

梁

漁父歌

日月照照乎寢已馳與子期乎蘆之碕

日已夕兮予心憂悲月已馳兮何不渡為事寢急兮將奈

何

蘆中人豈非窮士乎

沈云合上章為韻其聲愈促

越人歌

今夕何夕兮舉洲中流今日何日兮得與王子同舟蒙羞

被好兮不訾詬恥心幾煩而不絕兮得知王子山有木兮
木有枝心說君兮君不知

越謠歌

君乘車我戴笠他日相逢下車揖君擔簦我跨馬他日相

王曰讀此感古人交道之厚

逢爲君下

靈寶謠

吳王出遊觀震湖龍威丈人山隱居北上包山入靈墟乃
入洞庭竊禹書天地大文不可舒此文長傳百六初若強
取出喪國廬

黃鵠歌

陶嬰

看詩隨錄

卷十九

五

悲夫黃鵠之早寡兮七年不雙宛頸獨宿兮不與眾同夜
半悲鳴兮想其故雄天命早寡兮獨宿何傷寡婦念此兮
泣下數行嗚呼哀哉王曰有聲有淚兮死者不可忘飛鳥尙然兮況於貞
良雖有賢雄兮終不同行

采葛婦歌

葛不連蔓藁台台我君心苦命更之嘗膽不苦甘如飴令
我采葛以作絲女工織兮不敢遲弱于羅兮輕罪隸號絺
素兮將獻之越王悅兮忘罪除吳王歡兮飛尺書增封益
地賜羽奇几杖茵蓐諸侯儀羣臣拜舞天顏舒我王何憂
能不移

河梁歌

越軍人

渡河梁兮渡河梁舉兵所伐攻秦王孟冬十月多雪霜隆
冬道路誠難當陳兵未濟秦師降諸侯佈懼皆恐惶聲傳
海內威遠邦稱伯穆桓齊楚莊天下安甯壽乃長悲去歸
兮河無梁

雉朝飛操

齊牧犢子

雉朝飛兮鳴相和雌雄羣遊于山阿我獨何命兮未有家
時將暮兮可奈何嗟嗟莫莫兮可奈何

獻玉退怨歌

下和

悠悠沂水經荆山精氣鬱洽谷岩岩中有神寶灼明明穴
看詩隨錄

卷十九

六

山采玉難爲功於何獻之楚先王遇王暗昧信讒言斷截
兩足離余身俯仰嗟歎心摧傷紫之亂朱紛墨同空山歛
歔泣龍鍾天鑒孔明竟以彰沂水滂沛流于汶進寶得別
足離分斷者不續豈不怨

水仙操

伯牙

繫洞涓兮流澌渡舟楫逝兮仙不還移形素兮蓬萊山歛
欽傷宮仙不還

巴謠歌

神仙得者茅初成駕龍上昇入太清時下元洲戲赤城繼
世而往在我盈帝若學之臘嘉平

渡易水歌

沈云只今讀之猶存變徵之聲
風蕭蕭兮易水寒壯士一去兮不復還

荆軻

看詩隨錄

卷十九

七



看詩隨錄七古卷十九終

門下晚生

譚

全璧校字

看詩隨錄漢七古樂府歌詞卷二十

甯河高 靜慎茶選

男棠恩校刊

大風歌

高 帝

大風起兮雲飛揚威加海內兮歸故鄉安得猛士兮守四方

方

垓下歌

項 羽

藝苑卮言云悲壯嗚咽此德潛云嗚咽纏綿從古英雄必非無情者力拔山兮氣蓋世時不利兮騅不逝騅不逝兮可奈何虞兮虞兮奈若何

瓠子歌 二首

武 帝

瓠子決兮將奈何浩浩洋洋兮慮殫為河殫為河兮地不看詩隨錄 卷二十 一

得寧功無已時兮吾山平吾山平兮鉅野溢魚弗鬱兮柏

冬日正道弛兮離常流蛟龍騁兮放遠遊歸舊川兮神哉

沛不封禪兮安知外為我謂河伯兮何不仁泛濫不止兮

愁吾人鬻桑浮兮淮泗滿久不返兮水維緩

河湯湯兮激潺湲北渡回兮迅流難王亮儒云古樸在秋風之上長筴兮湛美玉河

伯許兮薪不屬薪不屬兮衛人罪燒蕭條兮噫乎何以禦

水隄林竹兮櫟石菑宣防塞兮萬福來

蒲梢天馬歌

天馬來兮從西極經萬里兮歸有德承靈威兮障外國涉

流沙兮四夷服

落葉哀蟬曲

羅袂兮無聲玉墀兮塵生
虛房冷而寂寞落葉依于重扇
望彼美之女兮安得感余心之未寧

李夫人歌

是耶非耶立而望之
翩何姍姍其來遲

秋風辭

秋風起兮白雲飛
草木黃落兮淮南歸
蘭有秀兮菊有芳

懷佳人兮不能忘
汎樓船兮濟汾河
橫中流兮揚素波
簫鼓鳴兮發棹歌
歡樂極兮哀情多少
壯幾時兮奈老何

看詩隨錄

柏梁詩

日月星辰和四時
帝驂駕駟馬從梁來
梁王孝郡國士馬

羽林材大司馬
總領天下誠難治
丞相石慶和撫四彝不易哉
大將

軍衛刀筆之吏臣
執之御史大夫倪寬
撞鐘伐鼓聲中詩
建德

宗室廣大日益滋
宗正劉周衛交戟
禁不時衛尉路博德
總領

從宗柏梁臺光祿勳徐自為
平理清讞決嫌疑
廷尉修飾輿馬待

駕來太僕公孫賀
郡國吏功差次之
大鴻臚乘輿御物主治之

少府王陳粟萬石揚
目箕大可農張成
微道宮下隨討治
執金

尉舒尉盜賊天下危
盛宣盜阻南山為民災
右扶風外

家公主不可治
京兆椒房率更領其材
詹事李成信外

舍其典屬柱枅榑櫨相枝持
大枇杷橘栗桃李梅
大官走

卷二十

狗逐兔張翠恩上林狝薄爲後人擬作郭舍 迫窘詰屈幾

窮哉東方朔

黃鵠歌

昭帝

黃鵠飛兮下建章羽肅肅兮行踴踴金爲衣兮菊爲裳嗟

喋荷芬出入兼葭自顧菲薄愧爾嘉祥

淋池歌

秋素景兮泛洪波揮纖手兮折菱荷涼風淒淒揚棹歌雲

光開曙月低河萬歲爲樂豈云多

安世房中歌祠樂

唐山夫人

大孝備矣休德昭明高張四懸樂充宮庭芬樹羽林雲景

看詩隨錄

卷二十

三

香冥金支秀華庶旒翠旌

七始華始肅倡和聲神來晏嬉庶幾是聽粥粥音送細齊

人情忽乘青衣熙事備成清思音有 聆經緯冥冥

我定歷數人告其心敕身齊戒施教申申乃立祖廟敬明

尊親大矣孝熙四極爰臻

王侯秉德其鄰翼翼顯明昭示清明邕矣皇帝孝德竟全

大功撫安四極

海內有姦紛亂東北詔撫成師武臣承德行樂交逆簫勺

羣慝肅爲濟哉蓋定燕國

大海蕩蕩水所歸高賢愉愉民所懷太山崔百卉殖民何

貴貴有德

安其所樂終產樂終產世繼緒飛龍秋遊上天高賢愉樂
民人

豐草萋女蘿施善何如誰能回大莫大成教德長莫長被
無極

雷震震電耀耀明德鄉治本約澤弘大加被寵咸相保德
施大丑曼壽

都荔遂芳宵窳桂華孝奏天儀若日月光乘公四龍回馳
北行羽旄殷殷芬哉芒芒孝道隨世我署文章

馮馮翼翼承天之則吾易久遠燭明四極慈惠所愛美若
看詩隨錄 一本上有桂華字章名本注前篇末 卷二十 四

休德杳杳冥冥克綽永福
一本有美芳字並衍 磻磻卽卽師象山立嗚呼孝哉案撫戎國蠻夷竭懽象來

致福兼臨是憂終無兵革
嘉薦芳矣告靈饗矣告靈既饗德音孔臧惟德之臧建侯

之常承保天休令聞不忘
皇皇鴻明蕩侯休德嘉承天和伊樂厥福在樂不荒惟民

之則浚則師德下民咸殖令聞在舊孔容翼翼
沈云規而得體 孔容之常承帝之明下民之樂子孫保光承順温良受帝

承帝明德師象山則雲施稱民永受厥福承容之常承帝
乎商周之頌竹羊載馳方之陋矣 承帝明德師象山則雲施稱民永受厥福承容之常承帝

承帝明德師象山則雲施稱民永受厥福承容之常承帝
沈云詩章或急或繁各極音節之妙詩譜云安社歌質

古文雅
之明下民安樂受福無疆

悲愁歌

細君公主

吾家嫁我兮天一方
遠託異國兮烏孫王
穹廬為室兮瓊
為牆以肉為食兮
酪為漿
居常土思兮心內傷
願為黃鵠兮歸故鄉

歸風送遠操

趙后

涼風起兮天隕霜
懷君子兮渺難望
感予心兮多慨慷

李延年歌

北方有佳人絕世而獨立
一顧傾人城再顧傾人國
寧不知傾城與傾國
佳人難再得

王曰自是千古詩探語

看詩隨錄

卷二十

五

燕刺王歌

歸空城兮狗不吠
雞不鳴
橫術何廣廣兮固知國中之無人

華容夫人歌

髮紛紛兮寘渠骨
籍籍兮亡居母求死子
兮妻求死夫妻

沈云杜詩中之鬼妾鬼馬等語似從此種化出

回兩渠閒兮君子將安居

別歌

李陵

徑萬里兮度沙漠
為君將兮奮匈奴
路窮絕兮矢刃摧
士眾滅兮名已隕
老母已死雖欲報恩將安歸

紫芝歌

四皓

莫莫高山深谷逶迤畦畦紫芝可以療飢唐虞世遠吾將
何歸駟馬高蓋其憂甚大富貴之畏人兮一作無兮不若貧賤之適
志

拊缶歌

楊惲

田彼南山蕪穢不治種一頃豆落而爲其人生行樂耳須
富貴何時

練時日 郊祀歌七章 以下樂府歌辭

古色奇響幽氣靈光奕奕紙上屈子九歌後另開面目
練時日侯有望炳管蕭延四方九重開靈之旂垂惠恩鴻
鋪排六段而變化錯縱不板不實備極飛揚生動

龍右白虎靈之來神哉沛先以雨般裔裔靈之至慶陰陰

看詩隨錄 卷二十一

六

相放悲震淡心靈已坐五音飭虞至且承靈億牲蘭栗粢
盛香尊桂酒賓八鄉靈安留吟青黃徧觀此眺瑤臺衆嫗
並綽奇麗顏如茶光逐靡被華文厠霧縠曳阿錫佩珠玉
俠嘉夜菫蘭芳淡容與獻嘉觴

青陽

鄒子樂 下四首同

以下四章分緊四時之神天氣時物無不畢達直是胸
有造化
青陽開動根莖以遂膏潤并愛政行畢遂霆聲發榮巖處
傾聽枯槁復產迺成厥命衆庶熙熙施及天胎羣生嘒嘒
惟春之祺

朱明

朱明盛長莩與萬物桐生茂豫靡有所訕敷華就實旣阜

既昌登成甫田百鬼迪嘗廣大建祀肅雍不忘神若宥之
傳世無疆

西顛

沈云言肅殺中有生機也

西顛沈陽秋氣肅殺含秀垂穎續舊不廢姦僞不萌祇孽
伏息隅辟越遠四貉成服既畏茲威惟慕純德附而不驕

正心翊翊

六冥

六冥凌陰蟄蟲蓋藏草木零落抵冬降霜易亂除邪革正
異俗兆民反本抱素懷樸條理信義望禮五嶽籍斂之時
掩收嘉穀

看詩隋錄

卷二一

七

惟泰元

泰元天也媪神地也言天神之尊地神多福

惟泰元尊媪神蕃釐經緯天地作成四時精建日月星辰

天也地也

度理陰陽五行周而復始雲風雷電降甘露雨百姓蕃滋
咸循厥緒繼統共勤順皇之德鸞路龍鱗罔不矜飾嘉遊
列陳庶幾冥享滅除凶災烈騰八荒鐘鼓笙竽雲舞翔翔
招搖靈旗九夷寶將

靈芝歌

樂府古辭

因靈寢兮產靈芝象三德兮瑞應圖延壽命兮光此都配
上帝兮象太微參日月兮揚光輝

天馬

大一況天馬下雷赤汗沫流赭志倣儻精權奇籥浮雲曉
上馳體容與泄萬里今安匹龍爲友

天馬徠從西極涉流沙九夷服天馬徠出泉水虎脊兩化
若鬼天馬徠歷無阜經千里循東道天馬徠執徐時將搖
舉誰與期天馬徠開遠門竦予身逝崑崙天馬徠龍之媒
遊閩闔觀玉臺

戰城南 鐃歌十八曲錄四

戰城南死郭北野死不葬烏可食爲我謂烏且爲客豪野
死諒不葬腐肉安能去子逃水聲激激蒲葦冥冥泉騎戰
鬪死驚馬襄徊鳴梁築室何以南何以北禾黍不穫君何

看詩隨錄

卷二十

八

食願爲忠臣安可得思子良臣良臣誠可思朝行出攻暮
不夜歸

臨高臺

臨高臺以軒下有清水清且寒談藝錄云絕工美可爲七
言宗也江有香草目以蘭黃鵠高
飛離哉翻關弓射鵠令吾主壽萬年收中吾

有所思

有所思乃在大海南何用問遺君雙珠玳瑁簪用玉紹縹
之聞君有他心拉雜摧燒之摧燒之當風揚其灰從今已

往勿復相思相思與君絕雞鳴狗吠兄嫂當知之妃呼稀
秋風肅肅晨風颯東方須臾高知之

上邪

上邪我欲與君相知長命無絕衰山無陵江水為竭冬雷
沈云下共五事重疊言之而不見其非何其筆力之橫也

薤露歌

相和曲錄四

薤上露何易晞露晞明朝更復落人死一去何時歸

蒿里曲

蒿里誰家地聚斂魂魄無賢愚鬼伯一何相催促人命不
得少踟躕

箜篌引

公無渡河公竟渡河墮河而死當奈公何

看詩隨錄

卷二十

九

平陵東

翟義門人

平陵東松柏桐不知何人劫義公劫義公在高堂下交錢
百萬兩走馬兩走馬亦誠難顧見追吏心中惻心中惻血
出漉歸告我家賣黃犢

善哉行

瑟調曲錄四

來日大難口燥唇乾今日相樂皆當喜歡
沈曰此言來者難知勸人及時行樂也無倫無次香渺

草翩翩仙人王喬奉藥一丸
祝總
解二自惜衷短內手知寒慙無

靈輒以報趙宣
解三月沒參橫北斗闌干親交在門餞不及

餐解歡日尙少戚日苦多以何忘憂彈箏酒歌
解四
解五淮南八

公要道不煩參駕六龍遊戲雲端
解六

西門行

出西門步念之今日不作樂當待何時解夫為樂為樂當

及時何能坐愁怫鬱當復待來茲解飲醕酒炙肥牛請呼

心所歡何用解愁憂解人生不滿百常懷千歲憂晝短苦

夜長何不秉燭遊解自非仙人王子喬計會壽命難與期

自非仙人王子喬計會壽命難與期解人壽非金石年命

安可期貪財愛惜費但為後世嗤解

東門行

沈云始勸其安貧賤繼恐其獨法網儲糜之婦豈惟在

出東門不顧歸來入門悵欲悲盎中無斗儲還視桁上無

懸衣拔劍出門去兒女牽衣啼他家但願富貴賤妾與君

看詩隨錄卷二十

共儲糜共儲糜沈云樂府有疊本語上用倉浪天故下為黃口小兒今時清廉

孤兒行

孤兒生孤子沈云極頊細極古與斷續無端也落無迹淚痕血點結遇生命獨當苦父母在時乘堅車駕駟馬父

母已去兄嫂令我行賈南到九江東到齊與魯臘月來歸

不敢自言苦頭多蟣蝨面目多塵大兄言辦飯大嫂言視

馬上高堂行取殿下堂孤兒淚下如雨使我朝行汲暮得

水來歸手為錯足下無屣愴惻履霜中多蒺藜拔斷蒺藜

腸月中愴欲悲淚下溼溼清涕纍纍冬無複襦夏無單衣

居生不樂不如早去下從地下黃泉春風動草萌芽三月

蠶桑六月收瓜將是瓜車來到還家瓜車反覆助我者少
陳云生動淋漓
咱瓜者多願還我帶獨且急歸兄與嫂嚴當與校計亂日
里中一何謔謔願欲寄尺書將與地下父母兄嫂難與久

居

悲歌 雜曲錄四

悲歌可以當泣遠望可以當歸思念故鄉鬱鬱纍纍欲歸
沈云一起矯健李太白時或有之 阮言云起二語妙
家無人欲渡河無船心思不能言腸中車輪轉

古歌

秋風蕭蕭愁殺人出亦愁入亦愁座中何人誰不懷憂令
沈云起最矯健蒼莽而來飄風急雨不可遏抑

我白頭胡地多颯風樹木何修修離家日趨遠衣帶日趨

看詩隨錄

緩心思不能言腸中車輪轉
彈趣字新此古詩樂府之別

卷二十一

十一

猛虎行

饑不從猛虎食暮不從野雀棲野雀安無巢遊子為誰驕

樂府

行胡從何方列國持何來璣瑜瑤瑤五木香迷迭艾蒹及

都梁

淮南王篇 舞曲歌辭

淮南王自言尊百尺高樓與天連後園鑿井銀作牀金瓶

素纓汲寒漿汲寒漿飲少年少年窈窕何能賢揚聲悲歌

音絕天我欲渡河河無梁願化雙黃鵠還故鄉還故鄉入

故里裴徊故鄉苦身不已繁舞寄聲無不泰裴徊桑梓遊

天外

盤中詩

蘇伯玉妻

沈云似歌謠似樂府雜亂成文而用意忠厚千秋絕調
山樹高鳥鳴悲泉水深鯉魚肥空倉雀常苦飢吏人婦會

使伯玉感悔全在柔婉不在怨怒此深於情者
夫稀出門望見白衣謂當是而更非還入門中心悲北上

堂西入階急機絞杼聲催長歎息當語誰君有行妾念之

出有日還無期結巾帶長相思君忘妾未知之妾忘君罪

當洽妾有行宜知之黃者金白者玉高者山下者谷姓者

蘇字伯玉人才多知謀足家居長安身在蜀何惜馬蹏歸

不數羊肉千斤酒百斛令君馬肥麥與粟今時人知四足

看詩隨錄 卷二十 二

古怨歌

竇元妻

煢煢白兔東走西顧衣不如新人不如故

武溪深行

馬援

滔滔武溪一何深鳥飛不度獸不敢臨嗟哉武溪多毒淫

安封侯詩

崔駟

戎馬鳴兮金鼓震壯士激兮忘身命被光甲兮跨良馬揮

長戟兮彀強弩

九曲歌

李尤

年歲晚暮時已斜安得力土翻日車

寶鼎詩

班固

嶽修貢兮川效珍吐金景兮歆浮雲寶鼎見兮色紛緼煥
其炳兮被龍文登祖廟兮享聖神昭靈德兮彌億年

白雉詩

詩家直說云越裳操三句言白雉而意自見加之刑
啓靈篇兮披瑞圖獲白雉兮效素鳥嘉祥阜兮集皇都發

容古體愛之矣
皓羽兮奮翹英容潔朗兮於純精彰皇德兮侔周成永延
長兮膺天慶

論功歌

后土化育兮四時行修靈液養兮元氣復冬同雲兮春霖

霖膏澤洽兮殖嘉穀

看詩隨錄

卷二十

三

五噫歌

梁鴻

白居易云康樂之奧博多窮於山水淵明之高古偏放
陟彼北芒兮噫顧瞻帝京兮噫宮闕崔巍兮噫民之劬勞
於田園江鮑之流又狹於此如五噫之例者百無一二
兮噫遼遠未央兮噫

四愁詩

張衡

古序云以美人為君子以珍寶為仁義以水深雪雰為
我所思兮在太山欲往從之梁父艱側身東望涕霑翰美
小人
人贈我金錯刀何以報之英瓊瑤路遠莫致倚逍遙何為

懷憂心煩勞

我所思兮在桂林欲往從之湘水深側身南望涕霑襟美
人贈我金琅玕何以報之雙玉盤路遠莫致倚惆悵何為

懷憂心煩傷

我所思兮在漢陽欲往從之隴阪長側身西望涕霑裳美人贈我貂襜褕何以報之明月珠路遠莫致倚踟躕何爲懷憂心煩紆

我所思兮在雁門欲往從之雪雰雰側身北望涕霑巾美人贈我錦繡段何以報之青玉案路遠莫致倚增歎何爲懷憂心煩惋

定情歌

大火流兮草蟲鳴繁霜降兮草木零秋爲期兮時已征思美人兮愁屏營

隴頭歌二首

看詩隨錄

卷二十

十四

隴頭流水流離四下念我行役飄然曠野登高望遠涕零雙墮

隴頭流水鳴聲幽咽遙望秦川肝腸斷絕

琴歌

蔡邕

練余心兮浸太清滌穢濁兮存正靈和液暢兮神氣寧情

志泊兮心亭亭嗜欲息兮無由生踔宇宙而遺俗兮眇翩翩而獨征

翩翩而獨征

匈奴歌

失我焉支山令我婦女無顏色失我祁連山使我六畜不蕃息

淮南民歌

一尺布尚可縫一斗粟尚可舂兄弟二人不相容

丁令威歌

有鳥有鳥丁令威去家千歲今來歸城郭如故人民非何

不學仙冢纍纍

成帝時燕燕童謠

燕燕尾涎涎張公子時相見木門倉琅根燕飛來啄皇孫

皇孫死燕啄矢

桓帝初小麥童謠

小麥青青大麥枯誰當穫者婦與姑丈夫何在西擊胡吏

看詩隨錄

卷二十一

三字韻語

十五

置馬君具車請為諸君鼓隴胡

城上烏童謠 桓帝初京師童謠

城上烏尾畢進公為吏子為徒一徒死百乘車車班班入

此言為政貪也

河間河間媼女工數錢以錢為室金為堂石上慊慊春黃

梁梁下有懸鼓我欲擊之丞卿怒

靈帝末京都童謠

侯非侯王非王千乘萬騎上北邙

看詩隨錄七古卷二十終

門下晚生

王 銜 校字

看詩隨錄魏六朝北朝七古歌辭卷二十一

甯河高 靜慎蒼選

男棠恩校刊

燕歌行

魏文帝

沈德潛云和柔巽順之意讀之油然相感節奏之妙不可思議秋風蕭瑟天氣涼草木搖落露為霜羣燕辭歸雁南翔念君客遊思斷腸慊慊思歸戀故鄉君何淹留寄他方賤妾

熒熒守空房憂來思君不敢忘不覺淚下沾衣裳援琴鳴

絃發清商短歌微吟不能長明月皎皎照我牀星漢西流

夜未央牽牛織女遙相望爾獨何辜限河梁

當牆欲高行

曹植

龍欲升天須浮雲人之仕進在一作待中人衆口可以鑠金讒言

看詩隨錄

卷二十一

一

三至慈母不親饋饋俗聞不辨僞真願欲披心自說陳君

門以九重道遠河無津

飲馬長城窟行

陳琳

徐禎卿云陳琳意氣鏗鏘非風人皮也飲馬長城窟水寒傷馬骨往謂長城吏慎莫稽留太原卒

官作自有程舉築諸汝聲男兒寧當格鬪死何能怫鬱築

長城長城何連連連連三千里邊城多健少一作死內舍多寡婦

作書與內舍便嫁莫留住善侍新姑嫜時時念我故夫子

報書往邊地君今出語一何鄙沈云無問答之痕而神理身沈云無問答之痕而神理在禍難中何為稽留他

家子井然可與漢梁府競爽矣生男慎莫舉生女哺用脯君獨不見長城下死人骸

骨相撐拄結髮行事君慊慊心意聞明知邊地苦賤妾何

能久自全

克官渡

改漢上之回

克紹官渡由白馬僵尸流血被原野賊眾如犬羊王師尚

沈云音節自佳
陳祥明云不詳敗有識

寡沙塹傍風飛揚轉戰不利士卒傷今日不勝復何望土

山地道不可當卒勝大捷震冀方屠城殺邑神武遂章

定武功

改漢戰城南

定武功濟黃河河水湯湯旦暮有橫流波袁氏欲衰兄弟

尋干戈決漳水水流滂沱嗟城中如流魚誰能復顧室家

計窮慮盡求來連和不時心中憂戚賊眾內潰君臣奔

北拔鄴城奄有魏國王業艱難覽觀古今可為長歎

看詩隨錄

卷二十一

二

屠柳城

改漢巫山高

屠柳城功誠難越度隴塞路漫漫北踰岡平但聞悲風正

酸蹋頭授首遂登白狼山神武懋海外永無北顧患

音質怖迫

戰滎陽

改漢思悲翁

戰滎陽汴水陂戎士憤怒貫甲馳陣未成退徐榮二萬騎

塹壘平戎馬傷六軍驚勢不集眾幾傾白日沒時晦冥顧

中牟心屏營同盟疑計無成賴我武皇萬國寧

大人先生歌

阮籍

天地解兮六合開星辰隕兮日月頽我騰而上將何懷

魏時童謠

一作行者歌

青槐夾道多塵埃，龍樓鳳闕望崔巍。清風細雨雜香來，土
梅鼎祚曰七字妖辭
上出金光照臺。

思吳江歌

張建翰

秋風起兮佳景時，吳江水兮鱸魚肥。三千里兮家未歸，恨
難得兮仰天悲。

巴東三峽歌

無名氏 下同

巴東三峽巫峽長，猿鳴三聲淚沾裳。

巴東三峽猿鳴悲，猿鳴三聲淚沾衣。

灘頭白勃堅，相持倏忽淪沒別無期。

女兒子二曲

看詩隨錄

卷二十一

三

巴東三峽猿鳴悲，夜鳴三聲淚霑衣。

我欲上蜀蜀水難，蹋蹠珂頭腰環環。

蘇州巴歌

豆子山打瓦鼓，揚平山撒白雨。白雨取龍女，織得絹一

丈五。一半屬羅江，一半屬元武。

三峽謠

朝見黃牛暮見黃牛，三朝三暮黃牛如故。
沈德潛云四語中寫盡符道沿湖之苦

宛轉歌

劉妙容

月既明西軒，琴復清寸心。斗酒爭芳夜，千秋萬歲同一情。
歌宛轉宛轉淒，以哀願為星。與漢形影共徘徊。

隴上歌 晉陳安軍中作

隴上壯士有陳安
軀幹雖小腹中寬
愛養將士同心肝
驪驄父馬鐵銀鞍
七尺大刀奮如湍
丈八蛇矛左右盤
十盪交失蛇矛棄
我驪驄竄巖幽
為我外援而懸頭
西流之水東流河
一去不還奈子何

擬行路難 七首

鮑照

奉君金巵之美酒
瑋玉匣之雕琴
七綵芙蓉之羽帳
九華葡萄之錦衾
紅顏零落歲將暮
寒光宛轉時欲沈
願君裁悲且減思
聽我抵節行路吟
不見柏梁銅雀上
寧聞古

看詩隨錄

卷二十一

四

時清吹音

洛陽名工鑄為金博山
千斲復萬鏤上刻秦女攜手僂承
君清夜之歡娛列置韓襄明燭前
外發龍鱗之丹綵內含
麝芬之紫煙如今君心一朝異
對此長歎終百年

璇闈玉墀上椒閣
文窗繡戶垂羅幕
中有一人字金蘭
被服纖羅采芳藿
春燕參差風散梅
開幃對景弄春爵
含歌攬涕恆抱愁
人生幾時得為樂
寧作野中之雙壘
不願雲

閒之別鶴

陳云起興意高古

瀉水置平地
各自東南西北流
人生亦有命
安能行歎復
坐愁酌酒以自寬
舉杯斷絕歌路難
心非木石豈無感
吞

讀之自然生愁
聲擲躡不敢言

對案不能食拔劍擊柱長歎息丈夫生世會幾時安能蹀
躑垂羽翼棄置罷官去還家自休息朝出與親辭暮還在
親側弄兒牀前戲看婦機中織自古聖賢盡貧賤何況我
輩孤且直

愁思忽而至跨馬出北門舉頭四顧望但見松柏園荆棘
鬱蹲蹲中有一鳥名杜鵑言是古時蜀帝魂聲音哀苦鳴
不息羽毛憔悴似人髣飛走樹閒啄蟲蟻豈憶往日天子
尊念此死生變化非常理中心惻愴不能言

中庭五株桃一株先作花陽春妖冶二三月從風簸蕩落
看詩隨錄

卷二十一

五

西家西家思婦見悲惋零淚沾衣撫心歎初我送君出戶
時何言淹留節迴換牀前生塵明鏡垢纖腰瘦削蓬髮亂
人生不得恆稱意惆悵倚徙至夜半

陳云長於託興
剝蘖染黃絲黃絲慙亂不可治我昔與君始相值爾時自

謂可君意結帶與我言死生好惡不相置今朝見我顏色

衰意中索寞與先異還君金釵玳瑁簪不忍見之益愁思

君不見薜華不終朝須臾奄冉零落銷盛年妖麗浮華輩
不久亦當詣塚頭一去無還期千秋萬歲無音詞孤魂煢

煢空隴閒獨魄徘徊遠竄甚但聞風聲野鳥吟豈憶平生
盛年時爲此令人多悲悵君當縱意自熙怡

代白紵舞歌辭四首

吳刀楚製爲佩褱織羅霧縠垂羽衣含商咀徵歌露晞珠履颯沓紉裊飛淒風夏起素雲回車忘馬煩客忘歸蘭膏明燭承夜輝

桂宮柏寢擬天居朱爵文窗韜綺疏象牀瑤席鎮犀渠雕屏匝組帷舒秦箏趙瑟挾笙竽垂璫散佩盈玉除停觴

不御欲誰須

陳云蒼然而來

三星參差露霑涇絲悲管清月將入寒光蕭條候蟲急荆王流歎楚妃泣紅顏難長時易戢凝華結藻久延立非君之故豈安集

看詩隨錄

卷二十一

六

池中赤鯉庖所捐琴高乘去騰上天命逢福世丁溢恩簪金藉綺升曲絃恩厚德深委如山潔誠洗志期暮年烏白馬角寧足言

代淮南王

淮南王好長生服食鍊氣讀仙經琉璃作盃牙作盤金鼎玉七合神丹合神丹戲紫房紫房綵女弄明璫鸞歌鳳舞斷君腸朱城九門門九閨願逐明月入君懷入君懷結君佩怨君恨君恃君愛築城思堅劍思利同盛同衰莫相棄

樂府句法

樂府神理

代春日行

獻歲發吾將行春山茂春日明園中鳥多嘉聲梅始發桃

始青泛舟臚齊權驚奏采菱歌鹿鳴風微起波微生蒨亦發酒亦傾入蓮池折桂枝芳裊動芬葉披兩相思兩不知

沈云末六字此心悅君兮君不知更深

代鳴雁行

邕邕鳴雁鳴始且齊行命侶入雲漢中夜相失羣離亂留連徘徊不忍散憔悴儀容君不知辛苦風霜亦何爲

代夜坐吟

冬夜沈沈夜坐吟含聲未發已知心霜入幕風度林青燈滅朱顏尋體君歌逐君音不貴聲貴意深

梅花落

中庭雜樹多偏爲梅咨嗟問君何獨然念其霜中能作花

沈云嗟花成韻實日成韻格法甚

看詩隨錄

卷二十一

七

露中能作實搖蕩春風媚春日念爾零落逐寒風徒有霜華無霜質

臨江王節士歌

陸厥

木葉下江波連秋月照浦雲歇山秋思不可裁復帶秋葉來秋風來已寒白露驚羅紈節士慷慨髮衝冠彎弓挂若木長劍竦雲端

河中之水歌

下二首一作古辭

梁武帝

河中之水向東流洛陽女兒名莫愁莫愁十三能織綺十

陳云似漢魏人詞

四采桑南陌頭十五嫁爲盧家婦十六生兒字阿侯盧家蘭室桂爲梁中有鬱金蘇合香頭上金似十二行足下絛

履五文章珊瑚挂鏡爛生光平頭奴子擎履箱人生富貴何所望恨不早嫁東家王

東飛伯勞歌 一作古辭

無名氏 下同

東飛伯勞西飛燕黃姑織女時相見誰家兒女對門居開顏發豔照里閨南窗北牖挂明光羅帷綺帳脂粉香女兒年紀十五六窈窕無雙顏如玉三春已暮花從風空留可憐誰與同

木蘭詩

沈云事奇詩有卑靡時得此如鳳皇鳴慶雲見爲之快
唧唧復唧唧木蘭當戶織不聞機杼聲惟聞女歎息問女何所思問女何所憶女亦無所思女亦無所憶昨夜見軍

看詩隨錄

卷二十一

八

帖可汗大點兵軍書十二卷卷卷有爺名阿爺無大兒木蘭無長兄願爲市鞍馬從此替爺征東市買駿馬西市買鞍韉南市買轡頭北市買長鞭朝辭爺孃去暮宿黃河邊不聞爺孃喚女聲但聞黃河水鳴濺濺且辭黃河去暮至黑水頭不聞爺孃喚女聲但聞燕山胡騎聲啾啾萬里赴戎機關山度若飛朔氣傳金柝寒光照鐵衣將軍百戰死壯士十年歸歸來見天子天子坐明堂策勳十二轉賞賜百千彊可汗問所欲木蘭不用尙書郎願馳明駝千里足送兒還故鄉爺孃聞女來出郭相扶將阿姊聞妹來當戶理紅妝小弟聞姊來磨刀霍霍向豬羊開我東閣門坐

我西閒牀脫我戰時袍著我舊時裳當窗理雲鬢對鏡帖
花黃出門看火伴火伴皆驚惶同行十二年不知木蘭是
女郎雄兔腳撲朔雌兔眼迷離兩兔傍地走安能辨我是
雄雌

捉溺歌

華陰山頭百丈井下有流水澈骨冷可憐女子能照影不
見其餘見斜領

黃桑柘屐蒲子履中央有絲兩頭繫小時憐母大憐婿何
不早嫁論家計

鉅鹿公主歌辭

看詩隨錄

卷二十一

九

官家出遊雷大鼓細乘犢車開後戶

車前女子年十五手彈琵琶玉節舞

鉅鹿公主殷照女皇帝陛下萬幾主

李波小妹歌

李波小妹字雍容褰裙走馬如卷蓬左射右射必疊雙婦
女尚如此男子安可逢

咸陽王歌

可憐咸陽王奈何作事誤金牀玉几不能眠夜踏霜與露
洛水湛湛彌岸長行人那得渡

敕勒歌

北齊神武

